


堯山堂外紀


八十七之九十



				漢書門
二	一	七	九	
四	二	二	七	
冊	架	函	號	類

內閣文庫				
三		九		漢
八		七		書
函		七		
九	二	七		
架	冊	號	類	

內閣文庫			
番號	漢	9770	
冊數	24 ( 22 )		
函號	308	95	



堯山堂外紀卷

八十六目錄

國朝

李東陽

邵珪

陳音

楊光溥

程敏政

淺草文庫

堯山堂外紀

堯山堂外紀卷八十六

昭廷

尉炎

李東

射音

孫姓

國降

泰山堂夕糸卷八十七目錄

八紀卷八十七

晉陵蔣仲舒編

國朝

李東陽

字賓之號西涯茶陵人父名淳金吾

早渡午歸迨晚復渡如此者幾月李一日  
詰其故婦曰有夫繫獄日往給其飲食又  
復歸膳翁姑耳李聞其言甚憫之遂却其  
直早晚任其渡他日一叟見李告曰聞汝  
素有善念必獲善報汝有親骨未埋吾當  
為擇吉地瘞之後當有發因與擇一山指  
曰有白狐臥處即佳壤也汝可潛昇親骨  
埋其中李一夕往彼果見白狐稔眠不起

李恐天明人知因折樹枝有聲狐驚聳身  
三立而去遂即其穴埋之明日叟來詢葬  
事李告以故叟曰俟狐自起乃為妙爾今  
驚去當中衰汝子當不失為三公後西涯  
公果大貴子兆先早卒  
年未三十公竟至無嗣

李東陽四五歲即能運筆作大字順天府以神童

薦召入內庭過門限太監云神童脚短李高聲

荅云天子門高即聞于上 景皇命言麟鳳龜

龍十餘字大喜抱置懷中賜果鏹令翰林院作

養公此時入朝小紅履一雙白綾襪一雙後  
為耿天臺所得貯以一篋自撰小文記之

李西涯程篁墩同朝見適直隸貢蟬至 英廟叩

試以對句曰螭蟬渾身甲冑程應聲曰鳳凰遍

體文章 上加稱賞時李尚伏地徐對曰蜘蛛

滿腹經綸 上遂大異之曰是兒他日作宰相

耶俱賜寶鏹而出後李出入館閣四十年而程

終于學士竟如其對云

李西涯在翰林時諸翰林齋居閉戶作詩有僮僕

窺之見面目皆作青色彭敷五以青字韻嘲之

幾致反目西涯為解之有曰擬向麻池爭白戰  
瘦來雞肋豈勝拳聞者皆笑

李西涯與程篁墩同教習庶吉士每至院檢閱會  
簿悉注病假而去西涯口占一絕云迴廊寂寂  
鎖齋居白日都消病曆除竊食大官無寸補綠  
陰亭上看醫書

謝方石鐸在翰林學詩時自立程課限一月為一  
體如此月讀古詩則凡官課及應答諸作皆古

詩也西涯嘗為崖山詩內一聯謝意不滿西涯  
以為更無可易謝笑曰觀子胷中似不止此最  
後曰廟堂遺恨和戎策宗社深恩養士年謝又  
笑曰微我子不到此西涯又為端禮門古樂府  
謝以為末句未盡往復再四最後乃曰碑可毀  
亦可建蓋棺事久乃見不見奸黨碑但見奸臣  
傳謝不待辭畢躍然而起

羅明仲嘗謂三言亦可為體出樹處二韻迫西涯

題扇即援筆云揚風帆出江樹家遙遙在何處  
又因圍碁出端觀二韻即曰勝與負相為端我  
因君得大觀

羅明仲謝鳴治李賓之陳師召同飲陸鼎儀宅夜  
歸馬上聯句羅倡云駐馬赤欄橋謝云東風見  
柳條水聲通苑近李云山色去城遙令節招尋  
晚陳云名園聚會饒夜歸休秉燭羅云須憶紫  
宸朝

西涯與客聯句嘗拆敵褥中故絮以代燭其次  
白洲畱別詩有看花不厭傷多酒燃絮猶供未  
了詩蓋紀其實也

上元節京師燒糯汁為瓶以貯水畜魚芴映屏燭  
通明可愛俗呼泡燈黃巖王古直買置于館日  
玩弄為兒戲李西涯以詩嘲之曰買得長安市  
上春玉壺清水貯金鱗却看塵土疑無地未掣  
波濤亦有神眼底功名聊此幻杖頭風月且教



貧。西堂燈火元宵夜。又向東風作旅人。一日古直誤觸碎魚瓶。意怫然不樂。曰：吾平生家計在此。今蕩盡矣。西涯復疊前韻慰之。曰：白髮華燈一夜春。江南江北兩窮鱗。飛騰有地歸塵土。訶護無錢役鬼神。物以泡名終合盡。家隨身在更何貧。清詩素壁猶堪玩。休羨揚州鶴上人。古直字仁甫。以字行。又號鐵老。以布衣遊京師。鄉人有坐事者。古直候諸官。官併捕入刑部獄。獨暴立烈日。不與眾囚伍。李主事廷美異之。檢衣帽間得柯學士諸詩。問之曰：爾能詩耶。使賦日影。

詩成縱之歸。長揖而出。獄吏皆大笑。自是得名。旅食三十年。無僮僕。不置釜。甌有大籠五六。惟詩畫數百幅。中貯酒壺。辰出飲一兩勺。已復鑄之以去。或勸使仕。大言曰：我來為爵祿圖耶。盡科舉乎。則歎曰：安得以少年處我。嘗在酒所。嘆曰：此亦功名事業也。蓋亦一世奇士云。

王古直李西涯同集謝方石宅西涯與方石聯句戲贈仁甫李倡云木枕綈袍着地眠謝云謝公堂上有神仙李云身存尚覺無家累謝云客久何妨與世懸李云書笥不勞僮僕守謝云酒杯羞共俗人傳此生蹤跡真奇恠李云一度詩成

一宛然。

蘇人織蒲為茵二片置床倚間藉背及足甚宜冬  
 寒凌季行以書來惠西涯道經彭敷五太史輒  
 為所畱西涯作詩報季行并東敷五曰輕蒲一  
 簇軟如花巧織重鋪意未華吟處迥宜孤背倚  
 坐來溫愛兩跌加未沾南國佳人惠已落東瀧  
 病叟家幸有題封三十字慇懃畱向手中誇

蕭文明以榛子惠西涯西涯以詩謝曰野簇蹊叢  
 滿地垂飽霜經雨亦多時長疑塞外隨車遠錯  
 恨山中結子遲竹籠舊封勞夜到茗芽香盞入  
 春宜知君情比投桃重不愛瓊瑤却愛詩

陳師召有旨馬售錢六百西涯諗之以詩曰六百  
 青蚨十里才忍將筋骨付塵埃驚鬼已脫池邊  
 險往事無勞塞上猜師召已連失二馬斗酒杜陵堪再  
 醉用三百青銅語千金郭隗幸重來知公自是忘機者

一笑能令萬事該西涯嘗得良馬以贈師召師召騎入朝歸至門成詩二章



怪而還其馬西涯問故師召曰吾舊所乘馬朝  
回必成六詩方至門此馬止二詩耳非良也西  
涯笑曰馬以善走為良此固  
非良耶公唯唯復繫而去

李若虛秋官舊有屋一區為積潦所壞數年不售  
竟得銀四兩聞陳師召售馬自謂與此價略相  
近索西涯詩因用前韻曰臺署元非駟儉才直  
看金壁等浮埃頽垣已付池蛙管賀客翻同野  
燕猜白老有詩行復問樂天詩云江邊欲買三  
間屋問適人家不要詩  
寇公無地去還來詞林馬價誰多少不待相逢

意已該

李西涯以絲瓜饋李若虛誦瓜瓞詩為祝若虛有  
詩馮佩之以和章見索西涯因用韻饋瓜如例  
并呈二公曰地接東陵路不賒冷官生計只籬  
瓜閒行似愛涼陰薄醉筆多隨野蔓斜名自雅  
歌傳聖代例分風味與詩家從今記取宜男祝  
賀客來時好薦茶

李若虛餽匏瓜西涯仍疊前韻奉謝曰野意相看

總不賒。園匏雖大亦稱瓜。青叢摘罷烟仍濕。翠  
籠擎來日半斜。吟有舊題成左券。酌無清酒愧  
西家。郎曹興味清如此。絕勝春風諫議茶。

傅白川以無花果餽西涯答其絲瓜之贈西涯疊  
前韻曰翠籠珍果望還賒。報我真應愧木瓜。采  
掇恐沾秋徑濕。傳看。不學夜燈斜。飽知實德非  
虛語。脫盡浮華是大家。異物清詩兩奇絕。渴心

何必建溪茶

李西涯以瓜饋楊維立編脩楊以桃荅西涯疊前  
韻曰手種丹桃歲在賒。感君報我勝投瓜。疑  
度。索。山。城。遠。去。恐。天。台。石。磴。斜。已託神仙稱壽  
域。敢教兒輩惱隣家。餐餘便有通靈意。不待盧  
仝六益茶。又以瓜饋曾文甫編脩曾以冬瓜荅  
西涯亦疊前韻曰晚花秋蔓野堂賒。不道冬園  
別有瓜。未遣堦苔封徑合。肯緣籬竹掛簷斜。後  
時豈敢爲君惜。多子還應勝我家。預報明年湯

餅會嘉期須及雨前茶

馮佩之饋西涯石首魚有詩西涯次韻謝曰夜網  
初收曉市開黃魚無數一時來風流不鬪蓴絲  
品軟爛偏宜豆乳堆碧盃分香憐冷列金鱗出  
浪想崔嵬高堂正憶東鄰送詩句情多不易裁  
馮佩之以笋乾饋西涯自稱玉版老師吳原博饋  
西涯以冬笋佩之目為吳山少俊西涯疊前韻  
謝佩之曰玉版山深石路開東軒真被籠盛來

飽諳南國煙霞味不入長安酒肉堆老覺禪心  
終苦淡瘦看詩骨共崔嵬叢林年少休相笑脫  
却緇衣更懶裁又疊前韻謝原博曰翠籠青笋  
一時開為有清風竹巷來原博居脩竹巷池鳳羽毛應  
比秀籜龍鱗甲漫成堆襪材有派分洋谷棚錦  
無心鬪馬嵬莫笑北人曾煮蕒久從湘客問烹  
裁

謝于喬遷送楊梅乾於西涯無詩西涯用前韻索

之曰深夜柴門闔更開。楊梅香送滿巵來。霜乾  
淺帶層冰結。紅爛紛成萬粟堆。坐愛春盤裝磊  
落。憶從秋樹採崔嵬。莫教俗却先生饋。佳句重  
煩答後裁。他日以柑答贈復用前韻併柬王世  
賞曰凍地經寒裂欲開。南柑初載北車來。霜隨  
玉爪冰絲落日照。金盤火齊堆高價。敢論燕市  
踊。遠懷還憶楚山嵬。也知黃陸當時傳。健筆應  
勞太史裁。

黃文明生日西涯以龍尾硯爲壽并致一詩云我  
持龍尾溪頭石。來壽鳳毛池上人。清愛石將人  
比德。壽看人與石爲鄰。長雷天地詩家事。坐鎮  
浮澆靜者身。記取翰林揮翰客。年年來此頌芳  
辰。

西涯素不善飲。蕭文明詩來有西涯爛醉欲人扶  
之句。且以二樽見惠。西涯步韻答之。夢斷高陽  
舊酒徒。坐驚神語落虛無。若教對飲應差勝。縱

使微醺不用扶。往事分明成一笑。遠情珍重得  
雙壺。次公亦是醒狂客。幸未鹿麕豪比灌夫。

沈禮部時暘以隻鷺斗酒饋西涯家僮誤送于顧  
刑部天錫時暘去始知之戲作小詩寄之云隔  
波風雨送歸驂。斗酒籠鷺意未堪。何令別時無  
長物。殷郎書到只空函。十年世事成春夢。千里  
神交入夜談。他日相逢應大笑。亂山深處是江  
南。

三山林亭大脩撰得第四男西涯用舊韻賀之云  
莫謂三山道路賒。人間仙果不論瓜。筵前會客  
犀錢散。醉裏題詩蠟炬斜。三鳳豈須誇薛氏。八  
龍今已半荀家。他時細說熊羆夢。夜榻流連到  
幾茶。

西涯次張亨父韻題醉楊妃菊云誰采繁花席上  
題。偶將名姓託唐妃。日烘花萼醺時面。雨換華  
清浴後衣。隔坐似邀秦國語。揮毫不放謫仙歸。

欲從顏色窺生相。已落詩家第二機。

李西涯嘗有岳陽樓詩云吳楚乾坤天下句。江湖廊廟古人情。鏡川楊文懿公亟稱之。有同官者不以爲然。駁之曰吳楚乾坤之句。本妙在坼字。浮字今去。此二字則不見其妙矣。楊曰然則必云吳楚東南坼。乾坤日夜浮。天下句而後爲足。耶。後以語西涯爲之一笑。

子西涯丙午長至祀陵紀行詩末韻云朝趨未報。鳧飛信庭覲。先陳鯉退詩二紀。茲行今卜度春。來風物合分誰。未幾先生遂丁憇。菴憂間爲何。孟春言之以爲詩讖。

李西涯北上時得句曰山色畫濃淡。兩日不能對。忽曰鳥聲歌短長。羅冰玉殊不首肯。曰對似未過。然竟不能易。

弘治中虜使語館伴有一偶語無對者。因舉曰朝無相。邊無將。氣數相將。李西涯聞之。隨應曰天

難度地難量乾坤度量

宋時有士人嘗以非辜至訟庭守不直之士人

憤懣大聲稱屈守怒曰若為士乃敢爾為我屬

對不能且得罪因唱曰投水屈原真是屈士人

應聲曰殺人曾子又何曾守曰吾句有二屈字

而汝句尾乃曾字汝之不學明矣顧何所逃罪

耶士人笑曰此乃使君不學爾按屈姓流俗皆

如字呼而屈到屈原皆九勿切史君嘗研究否

守慙釋

遺之

李西涯當國時嘗冬月五更入朝至長安街值崔  
後渠銑方在道上酣飲後渠拱立轎前請少飲  
數酌以敵寒氣西涯即下轎連舉數大白升轎

去

李西涯當國時其門生滿朝西涯又喜延納獎拔  
故門生或朝罷或散衙後即羣集其家講藝談  
文通日徹夜率歲中以為常一日有一門生歸  
省兼告養病還家西涯集同門諸人餞之即席  
賦詩為贈汪石潭後詩先成中一聯云千年芝  
草供靈藥五色流泉洗道機諸人傳翫以為絕  
佳呈稿西涯西涯抹後一句令石潭重改眾皆

卷之八

七

愕然石潭思之亦終不復能綴衆以請於西涯  
 曰吾輩以為抑之此詩絕好不知何故以為未  
 善西涯曰歸省與養病是二事今兩句單說養  
 病不及歸省便是偏枯且又近於合盤衆請西  
 涯續之西涯即援筆曰五色宮袍當舞衣衆始  
 歎服李西涯善詩門下多詞客劉晦菴閣老忌  
 之嘗云後生輩纔得科第却去學做詩做  
 詩何用好是李杜李杜也只是兩個醉  
 漢撒下許多好人不學却去學醉漢

李西涯善謔居政府時庶吉士進見公曰今日諸

君試屬一對庭前花始放衆哂其易各思一語

應之曰總不如對閣下李先生衆一笑而散

李長沙在京邸款會試貢士若干人酒數行俱起

辭謝公曰且止有場中題願商之東面而征西

夷怨南面而征北狄怨諸君亦知所以然乎衆

思頗久未解公咲曰無他意也只是待湯滿坐

捧腹

焦閣老芳面黑而長如驢嘗謂西涯曰君善相煩



一看李久之乃曰左相像馬尚書右相像盧侍郎必至此地位馬與盧合乃一驢字始知其戲一日西涯與焦公及禮書傅公瀚早朝焦見校尉有露臥者焦戲傅云曉日斜穿校尉頭蓋以傅為新淦人時有江西校尉之號傅不能答李願指焦耳傅悟遽云秋風正貫先生耳蓋俗有秋風貫驢耳之說焦像驢故戲之

翰林院素稱清貴無簿書之擾舊有語曰一生事業惟公會半世功名在早朝所謂清者如此李

西涯時為學士因眾失朝罰運灰炭續兩句云更有運灰并運炭翰林身上不曾饒一時闕然

聞有一檢討討裏河之夫其驛丞不接甚不平或謂之曰人多不知檢討何官可只呼學士就好次日果稱學士仍前不出乃賦詩云翰林檢討被人輕却冒瀛洲學士名依舊所司全不理由來知要不知清

弘治丙辰科進士有孟春季春夏鼎周鼎西涯閣老嘗即席命對孟仲季春惟少仲已而即應聲

云夏商周鼎獨無商

湖廣彭民望有學而老貧謁故友于京不遇回李  
西涯以詩寄云斫地哀歌興未闌歸來長缺尚  
須彈秋風布褐衣猶短夜雨江湖夢亦寒彭讀  
之黯然不樂至木葉下時驚歲晚人情閱盡見  
交難長安旅食淹留地慚愧先生苜蓿盤乃潛  
然淚下為之悲歌數十遍不休謂其子曰西涯  
所造一至此乎恨不得尊酒重論文耳自是不

閱歲而卒

弘治間浙江有一方伯未第時與一

送館於童江門外石亭寺簡房畧無貯念之意  
其生題一絕於壁云十年心事酒杯間坐對江  
鷗去復還一帶西山青入眼幾人青眼似西山  
竟不辭而去寺僧抄詩入報方伯大慚遣人追  
之生竟不返又嘉靖末客有與成國公厚者然  
特與飲食而已俞院判見客衣敝寄詩云長安  
車馬自肥輕備爾鷄衣冷不勝聞說孟嘗多好  
客好將心事托平生成國聞詩特送衣一篋

李少師少小入詞林暨在館閣垂四十餘年正德  
中為首揆揚州陸滄浪矚其亡投以尺素公歸  
啓之一絕云文章聲價斗山齊伴食中書日已

西回首湘江春草綠鷓鴣啼罷子規啼末句蓋以鳥語

哥哥行不得也不如歸去公得詩但解嘲而已

李西涯子兆先文名甚高然遊俠無度以是致病

公一日過其書館中適外出不在時弘治甲子

當大比乃書其几曰今日花街明日花街秋風

桂子秀才秀才明日兆先亦書四句於西涯几

上曰今日東風明日西風陰陽燮理相公相公

兆先字徵伯號鎮菴甚有家學是秋以誤落題字竟不得第以死公之相業後到逆瑾弄權時

不知其於變理如何耳

李兆先嘗見西涯祀陵詩野行愁夜虎林臥起秋

蠅之句問曰是為秋蠅所苦不能臥而起耶西

涯曰然曰然則愁字恐對不過西涯曰初亦不

計妨字外亦無可易者白似亦未稱請用廻字

如何蓋謂為夜虎所遏而廻也西涯曰然遂用

之

李徵伯嘗與何孟春席上題夢筆圖徵伯詩云工

文恭奇筆精思入幽夢會有取去時何如不相  
送西涯頗不樂謂徵伯曰汝非子元敵矣其年  
徵伯下世

李西涯與楊邃菴素相善初劉瑾欲害楊西涯力  
抹乃免及西涯病劇楊慰之曰國朝以來文臣  
未有謚文正者公如不諱請以謚公西涯倚榻  
頓首遂卒有無名子改宋人譏京堂詩云文正  
從來謚范王如今文正却難當大家吹上梧桐

初自有傷人說短長

陳音

字師召號槐齋莆田人李東陽同榜性  
實坦在翰林時夫人嘗試之會客至呼  
茶曰未煮公曰也罷又呼乾茶曰未買  
公曰也罷客為捧腹時因號陳也罷

陳師召擢南京太常門生會餞有垂涕者李西涯  
大學士在席為句云師弟重分離不陞他太常  
卿也罷公應聲曰君臣難際會便除我大學士  
何妨一座絕倒師召後召為翰林學士同官投  
刺招飲明日公忘為誰乘馬漫  
行一給事中設席公曰招我者此也遂入席頃  
之同官使人來速夫人曰此必胡撞不知投誰

家矣汝認所乘馬可覓也使者踪跡見公公曰我誤我誤又嘗檢書得友人招飲帖師召忘其昔所藏也如期而往累茶不退主人請其來故答曰赴君飲耳主人訝之而難於致詰具酒共酌席罷方悟去年今日曾邀陳也又嘗自院中歸語從者曰今日訪某官從者不聞引轡歸舍師召謂至某官家矣升堂周覽曰境界全似吾家何也又覩壁間畫曰是我家物何緣在此其僕疑以告其夫人出視之公訝曰何為亦在此士林傳以為笑

陳師召時苦吟重九會白雲觀分韻得然字詩云  
長春宮殿鎖寒烟駐馬斜陽錦樹邊白鶴不歸  
雲影外黃花仍發酒杯前龍山又落參軍帽藍

水長歌子美篇聚散幾回時序列令人對此  
茫然

陳師召在內直誤繫李西涯牙牌角帶以去西涯  
戲以詩曰倦摩雙眼出長安束帶懸魚總誤看  
裝飾不嫌非異物標題猶喜是同官酒防太白  
狂時換腰愧休文病後寬堪笑玉堂叢話裏向  
來詩筆幾曾乾師召嘗清旦入朝誤寘冠纓於背及覩同列垂纓俯視領下駭曰公等悉冠纓而吾獨無何也一人遽持其纓而正之曰公自有纓獨無背後眼耳諸公大噱

陳媿齋在南京嘗有夢中詩寄李西涯李戲荅之  
曰舉世空驚夢一場功名無地不黃梁憑君莫  
向癡人說說向癡人夢轉長

陳師召官四品時夫人為鬻得金獅緋袍不知為  
武臣服色公亦竟不察一日命工肖像公整容  
服獅袍而坐李西涯適至因乞為贊西涯遽題  
曰觀其鬢則齊觀其衣則非若人也可信而可  
疑使逢其鬢更其衣嗚呼庶幾

西涯嘗戲陳師  
召擲骰子得么

則指曰吾度其下是六反之果六也各色皆然  
師召大驚語人曰賓之天才也或論之曰彼終  
公耳上么下六自是定數何足為異師召笑曰  
然則我亦可為因詣西涯告之西涯已先度其  
必至別製六骰錯亂其數矣師召  
屢商不中乃嘆曰兄真不可及也

程敏政 字克勤號篁墩  
羅倫榜第二

程敏政以神童至京李賢學士許妻以女因留飯  
李指席間果出一對曰因荷何而得藕偶程應  
聲曰有杏幸不須梅媒李大奇之

李西涯與程篁墩過采石李得句云五風十雨梅

黃節程即應云二水三山李白詩一時服其巧麗

弘治改元七月文華後殿講書畢上賜講臣程

敏政等各織金緋衣金帶及紗帽烏靴皆叩頭

謝訖上顧謂曰先生辛苦咸對曰此皆職分

當為頓首而退敏政有詩記之曰映日呆愚曉

殿深湛恩稠疊駕親臨褒衣紅濯天機錦束帶

黃分內帑金久幸清班容宦履漸漸華髮點朝

簪替經生職分尋常事消得君王念苦辛

弘治己未程篁墩主考會試以言者去位未幾發

背卒是年京師有雪夜祈仙者先生至降筆云

夜偕東坡遊聞有召仙者予亦謫仙流也事之

不偶殆有甚焉詩以紀之因書一絕云江山何

日許重來白骨青林事可哀吾黨莫言清夢遠

海東東更有蓬萊又二律云紫閣功名近已休

文章空自壓儒流孤忠敢許懸天日浩氣還堪

射斗牛。蘇子蟄松遭衆謗。杜陵荒草喚窮愁。乾  
坤不盡江流意。回首青山一故丘。又云斯文今  
古不堪哀。道學真傳已作灰。鴻鴈未高羅網合。  
麒麟偶見信時猜。迅雷不啓金滕竅。紫電誰憐

武庫才。此氣那同芳草合。渾淪來往共盈虧。程

考日其第三問策題程所出以四子造請為問  
計魯齋一段出劉靜修退齋記士子多不通曉  
程得一卷甚異之將以為魁而京城內外盛傳  
其人先得題意乃程有所私為華給事中景等  
所劾謂私徐經唐寅等上命李公覆閱遲三日  
始揭曉言路復論列欲窮治之上怒下都

給事中林廷玉等于獄落言官數人職而程亦  
致仕以去又聞弘治時南京龍電精於文

中壬子書魁乙卯代金都御史澤子達入試浙  
場中第八又與同中甲科人有詩嘲之曰阿翁

一自轉都堂百計千方幹入場金澤財多子孫  
劣龍霓家窘手兒長有錢使得鬼推磨無學却

將人頂缸寄與兩京言路者好排闥說彈章  
其詩盛傳於時後二人皆不容於清議一止浙

僉一止太僕丞今科場要令批首立貢院門內  
辨閱同試者面貌方入蓋由此始聞入試日亦

甚秘密惟有一人見其鬚不  
類心頗疑之始傳其事云

邵珪字文敬宜與人在郎  
署日自號東曹隱者

邵文敬為童子時塾師出對云柳暗鶯無語即對



云花慵蝶有愁師以爲工及登第後與翰林諸  
公賦春陰詩即用此作一聯云春雲黯黯閣林  
頭雨意兼旬尚未收李白錦囊空好句杜陵玉  
勒阻清遊長堤柳暗鶯無語上苑花慵蝶有愁  
睡起不知簾幙午紙窻圍翠篆烟浮遂擅場  
邵文敬善書工碁詩亦有新意如江流如白龍金  
焦雙角短之類又有半江帆影落尊前之句人  
稱爲邵半江

邵半江一日題陳回南小像云盤陀石上淨無塵  
岳色江聲共此身莫恠吳儂渾不醒百年俱是  
夢中人詩成求質於李西涯西涯給之曰尚有  
一二字欠穩待予更之西涯乃默記竊爲已有  
先題吳公畫上後邵公見之撫掌大笑

邵文敬字體間變蘇書李西涯亦以蘇書答之跋  
云戲效東曹新體邵誤以爲效其詩作依字韻  
詩抵西涯首句云東曹新體古來稀西涯因戲

次其韻曰東曹新體古來稀此意茫然失所歸  
字擬坡書聊共戲詩於崑法敢相譏休誇驀裏  
木無敵未必葫蘆樣可依却問碁場諸國手向  
來門下幾傳衣相與大笑而罷

邵東曹墮馬傷足李西涯次秦武昌韻謔之十年  
雙足躡詞場我亦憐君墜後傷歷塊敢誇千里  
俊乘船翻笑四明狂扶顛老僕空隨路學仆嬌  
兒更倚堂應似崔家亭下鷺獨拳秋雨向寒塘

天順朝某國貢名馬云能搏虎英廟命置虎城  
中虎鬪不勝死邵文敬賦得馬鬪虎曰天門名  
馬真龍媒萬里新自流沙來先皇知爾才磊落  
放入虎圈與虎搏霜蹄蹴踏虎即斃英風颯爽  
來天際當時觀者應嘆嗟唐家豈有拳毛騮

楊光溥 莒州人邵文敬同年進士  
仕至山西按察司副使

楊光溥有味梅集句百首其最可稱者北風萬木  
正蒼蒼粉色凌寒透薄妝嚼蕊不妨浮白飲愛

卷之八  
七

閑猶有和詩。忙月來忽送闌干影。風過還聞遠  
近香。最是一年春好處。數株如玉。照寒塘。又聞  
道春還已有期。梅花一夜遍南枝。不嫌艷杏天  
桃俗。長愛蠻烟瘴雨欺。狂客興多惟載酒。閒身  
事少只題詩。千林掃迹愁無奈。羗管淒涼更忍  
吹。又花開正屬小春時。一氣纔新物未知。嶺外  
江南千萬樹。小牕斜日兩三枝。臨溪照影為誰  
好。步月聞香每自疑。幸有微吟可相狎。詩人所

賞是風姿。又怕愁貪睡。獨開遲。政爾寒陰慘淡  
時。姑射仙人冰作體。漢家公主玉為肌。蒼松翠  
竹為三友。流水空山見一枝。不比西園艷桃杏。  
等閑開落只春知。同時錢唐沈行亦有百二十  
首。其可稱者梅花不肯芴春光。百卉前頭第一  
芳。信是乾坤容晚景。亦知草木有真香。踈踈籬  
落娟娟月。淺淺池塘短短牆。此際最宜何處看。  
孤山園裡麗如妝。又青帝邀春隔歲還。分香多

是。碗。中。蘭。開。花。占。得。春。風。早。數。朶。先。欺。臆。雪。寒。  
鬚。裊。黃。金。危。欲。墮。蒂。凝。紅。蠟。綴。初。乾。林。塘。得。爾。  
偏。增。價。無。限。行。人。立。馬。看。又。南。北。枝。頭。玉。蕊。綻。  
陽。和。先。已。到。孤。根。看。花。弄。水。聊。為。樂。賞。月。吟。風。  
不。要。論。欲。賦。妍。華。無。健。筆。忍。教。落。片。點。空。尊。江。  
邊。一。樹。垂。垂。發。粉。蝶。如。知。合。斷。魂。又。且。喜。春。光。  
動。物。華。數。枝。妝。點。野。人。家。謾。疑。海。上。神。仙。侶。不。  
是。人。間。玉。樹。花。又。恐。好。枝。為。雪。壓。故。生。幽。處。被。

雲。遮。遲。遲。欲。去。猶。回。望。援。筆。題。詩。到。日。斜。行。又。

套集句百二十首垂柳陰陰畫掩扉流鶯百轉  
最高枝春閨多少關心事夫婿多情亦未知又  
宿雨厭厭睡起遲曉鶯啼斷綠楊枝夢中無限  
風流事盡在停針不語時又紅芳落盡井邊桃  
病酒慙々日正高百尺朱樓閒倚遍靜看燕子  
壘新巢又細草春莎沒繡鞋閒尋女伴過西家  
春風不管人憔悴開遍薔薇一樹花又米雲肌  
膚力不勝酷憐風月為多情自慚不及鴛鴦侶  
雙宿雙飛過一生又倚闌無語倍傷情夜合花  
開香滿庭羞管一聲何處笛細風斜雨不堪聽  
又郎上孤舟妾上樓感時傷別思悠悠離心不  
異西江水流到瓜州古渡頭又曉角昏鐘為底  
忙怕黃昏後又昏黃近來欲睡兼難睡半是思  
郎半恨郎又盡日無人獨倚樓愁來對鏡懶梳

山堂外記卷八十一

頭深知身在情長在嫁得蕭郎愛遠遊又香塵  
微沉合懽鞋花影無人自上塔折得一枝香在  
手思君簪向鳳凰鈿又一更更盡到三更水簟  
銀牀夢不成欲把傷心問明月清光此夜為誰  
明

春風不覺入人軒  
聖祿巢又日五高  
風雨春開  
高對春開  
奇集向首二十首  
雲遊遊遊  
谷去辭回望對筆  
與詩怪日

東山堂外紀卷八十八

晉陵蔣仲舒編

國朝

羅倫

字彛正一字應魁號一峰殿試卷瞻真

長蓋一峰既中會試於禮部對策惟一峰極  
久於場屋有志廷對頌增帝以畢所欲陳  
禮部官壯其志許之膳真遂有二十幅時  
李文達進讀羅卷幾一時餘李年漸高  
久至不能起上命兩力臣掖之是年羅  
為大魁至次科會試亦有欲比羅例者禮  
部官以為有意希望竟不從  
故至今惟以十三幅為式

成化乙酉羅倫赴春闈道經蘇州為文謁范文正公祠是夕宿舟中夢文正遺詩曰賜帶橫腰重宮花壓帽斜勸君少飲酒不須臥烟霞明年狀元及第不久謝政歸隱而卒

羅倫上疏論閣老南陽李賢奪情事調廣東市舶提舉時學士陳文為李畫策故有此貶後倫復官李已謝世及文死薛之綱御史作詩挽之曰學士先生早蓋棺薤歌散裏路人歡填門客散

多猶在負郭曰多死亦安鹽井已非今日利山不似舊時寒九原若見南陽李為道羅倫已復官

羅倫 貴溪人羅倫榜進士

羅倫為山東提學日有張驛丞者鄉試中式倫贈之詩曰一官耻不與清流忙裏遺編向校讐枳棘豈能留彩鳳鹽車未必困驂騑東藩領薦名初顯西蜀題橋志已酌脫却樊籠入佳境春雷

萬里步瀛洲

張昇

字啟昭號栢岬南城人成化己丑溥臨  
前一夕夢登天兩手挈二人頭云皆同  
姓者及開榜一甲首為昇  
二甲首張燧三甲首張曉

張昇為翰林侍讀會風雹發自天壽山毀瓦傷物

震驚陵寢朝廷戒諭群臣修省遣官祭告於是

昇數劄閣老吉十罪謫南京工部員外郎同鄉

何喬新贈以詩曰鄉邦交誼最相親忍向離筵

勸酒頻抗疏但求禪聖治論思端不忝儒臣自

憐石介非狂士任詆西山是小人暫別鑾坡非

遠謫莫將辭賦弔靈均由是人目吉為劉綿花

以其耐彈也吉聞而大怒或告以出自監中一

老舉人善恢諧者吉奏凡舉人監生三次不中

者不許會試

翰林院學士惟一人多或三五人弘治壬戌秋閣

老洛陽劉公健因修會典成欲德翰林一時陞

學士者十人時禮部尚書已有六人謝遷以在

內閣張昇為禮書掌鴻臚事崔志端以禮書掌  
太常事并南京為六人崔由神樂觀道士京師  
為之語曰禮部六尚書一員黃老翰林十學士  
五箇白丁一時盛傳以為的對且有譏警益此  
五人謂山西張陝西楊大興劉并某某皆成化  
戊戌閣老萬公安以私意選為庶吉士者

費閻

字廷言丹徒人  
成化己丑會元

費廷言自進士至司業纔九年未受命兩月前李

西涯嘗夢廷言拜是官已而果然後赴廷言飲

留題廂壁云壁水橋門別是天瀛州東望亦登

仙館中群士有同輩天下此官無剩員

南京舊  
多闕惟

北監一人坐擁圖書消暇日夢隨冠蓋入新年班行

舊會今稀少莫恠相過意惘然

費閻為祭酒日鳳翔之麟遊有虎臣者貢入太學

適聞萬歲山架棕棚以備登眺臣上疏極諫

憲廟竒之閻初不知也懼其賈禍乃會六堂鳴



鼓鞞罪鐵索鎖項以待俄有官校宣臣至左順  
門中官傳溫旨勞之曰爾言是也棕棚即拆卸  
矣命銓選予臣七品正官閤聞而大慚臣名遂  
播天下後知雲南鄂嘉縣卒于官楚雄姚鵬哭  
之以詩曰獻策當年為國憂至今浩氣貫皇州  
只期事業垂千古豈料形骸付一丘青史有名  
書虎氏錦衣無復耀麟遊蒼天不管忠良空  
使窮荒草木愁

吳寬

字原博號匏菴長洲人應試南畿時同寓有施煥伯者中榜逮鹿鳴宴罷煥伯出曰吾意兄策臯摛之騎遵崇化之途矣寬曰同行無踈伴其有養如此

吳原博寬未第時已有能詩名成化壬辰春李西  
涯省墓湖南時未始識也蕭海鈞文明為致一  
詩曰京華旅舍變風霜天上空瞻白玉堂短刺  
未曾通姓字大篇時復見文章神游汗漫瀛洲  
遠春夢依稀玉樹長忽報先生有行色詩成獨  
立到斜陽西涯陞辭日見考官彭敷五為誦此

詩戲謂之曰。場屋中有此人。不可不收。敷五問。其名曰予。亦聞之矣。已而果得原博為第一。李西涯赴吳原博飲席上。用擊鼓催花令戲成。一詩曰。擊鼓當筵四座驚。花枝絡繹往來輕。鼓翻急。雨。山。頭。脚。花。開。狂。峰。葉。底。殼。上。苑。枯。榮。元。有。數。東。君。去。住。本。無。情。未。誇。刻。燭。多。才。思。一。遍。須。教。八。韻。成。

館閣諸公同集吳寬邸賞菊。即席聯句。陸簡倡云。醉愛寒香。仰紫貂。陳璠云。玉堂風采。宴官僚。李傑云。肯孤晚歲。花神約。王鏊云。須仗今朝酒。聖澆寬云。風雨尚懷前會阻。李東陽云。雪霜猶喜後時凋。林瀚云。不知陶徑孤吟處。謝鐸云。零落何人許。見招。

吳原博雪後入朝詩云。天門晴雪映朝冠。步澁頻扶白玉闌。為語後人須把滑。正憂高處不勝寒。饑鳥隔竹餐。應盡馴象當庭踏。又殘。莫向都人

誇瑞兆。近郊或恐有袁安。

王鏊

字濟之。少隨父游京師。葉盛試所學奇之時。冢宰王翱新逝。盛曰：失一王翱，得一王鏊。安知非後來忠肅乎？後鄉會試，皆

第一。廷試策又冠場。時商文毅公秉衡，悉

其軋已抑置第三。

王文恪公六七歲時附學於舅氏。一小女使送茶

王戲以手握其手，舅氏出一對曰：「奴手為擎此。」

後莫擎奴手，王即對曰：「人言是信從今，母信人。」

言。

王文恪公年十二能詩，有以呂純陽渡海像求題

公援筆書其上云：「扇作帆，分劍作舟。飄然直渡

海洋秋饒，他弱水三千里。終到蓬萊第一洲。識

者已知公為遠器矣。

劉戡

字景元，安福人。乙未榜眼，及第。

劉景元以侍講使交南時，交人吞占城，侵緬甸，頗

難其行。劉毅然上道，攜二僕由南寧直抵其境。

交人驚曰：「昔之人皆航海，未颺檣蔽洋，貿重易。」

奇今公豈天人耶何其簡速也奉迎館候視昔  
倍恭陪臣拜跪劉據大明集禮之文受之不與  
交一語至之日頒詔明日宴畢即行王大驚曰  
一國生靈命緣天使致饋遺豐腆倍昔金珠犀  
象珍玩甚多劉大不顧即行復遣陪臣要於路  
期必致之劉復書文以初八關詩曰咫尺天威  
誓肅將寸心端不愧蒼蒼歸裝若有關南物一  
任関神降百殃交久益敬悚遣陪臣入謝表有

廷臣清白之語云

王琰

字良璧棗陽人  
乙未第進士

王琰初投行人擢御史巡按蘇松有聲吳地號繁  
劇徧詢輿臺巨奸宿蠹一剔而盡平生清若人  
所不堪卒之日衾襯不備合臺助烏嘗題夏太  
常鼎墨竹曰幽人研玉露寫此青琅玕清標正

相似脩然同歲寒益言志也

景本名昶字仲招  
東吳人登進士時

冒姓朱後復其姓以善書徵入翰林文皇以所  
書為第顧見其名謂曰太陽麗天照臨萬國

日宜書在永上景頓首受命士  
夫以為榮一時同名者皆改焉

傅凱 南安人曾  
彦揆進士

傳黃門使夷域道經仙遊縣九僊祠傳禱以驗出  
使事夢有孺子歌云青草流沙六六灣傳度之  
漠然於中至夷域館燕殊隆飲聞夷王令主客  
者請曰黃河濯水三三曲願天使為我對之傳  
念前夢詞意兼絕即對云青草流沙六六灣夷  
王驚服盡以珍寶竒玩厚遺而還蓋吾華有九

曲而是夷有三十六灣彼謂知吾華之勝吾亦

能博彼夷之界故也

臨海錢參政為諸生時嘗  
夢月夜泛舟中流賦詩一

聯曰夜色一蓬舟江聲兩岸潮後二十年自嶺  
南謝事歸帶月行舟潮聲初至恍然如見往時

夢中之景感嘆人生行止似不偶然因慘然不  
樂至五鼓不疾而終 豐城徐副使為諸生時

祈夢於九鯉湖仙祠夢入古寺花木映簾泉聲  
滿戶壁間有唐詩一絕云月華星彩坐來取嶽

色江聲暗結愁半夜燈前十年事一時和雨到  
心頭既覺悵然自分科目絕望矣越數年登進

士為御史以仙祠之夢不足信後為廣東副使  
巡海至山中古寺風景依然如夢仰見所夢唐

詩濃墨大字書在壁間乃惕然驚疑達但不睡  
次日乃得罷官之報蓋仙祠之夢多驗於結局

也類  
如此

羅鑒

號湘川茶陵人  
傳凱同榜進士

羅湘川退居柳坪之上鑿池架亭名曰願樂日處其間為詩云亭中樂事與誰傳朱紫身閑更大年明月泛遊蘇軾後北窓高卧伏羲前林泉茹飲貧無辱花木栽培靜有權一室蕭然無俗慮却疑身世是壺天

趙寬

字栗夫吳江人少以論手稱  
於吳中成化辛丑會試第一

栗夫與楊君謙同中應天府鄉試栗夫年二十一君謙年二十次年同在太學吾常王文肅公為祭酒雅重之每致引試二人遂為契交後同在郎署君謙得請將還栗夫與王古直陳一變王存敬侯公繩徐栗夫來餞時日暮雨作諸君叙坐而古直老人以隱者野服居首席君謙請於諸君願按京師例作長句為樂因復請立一人為詩監以典賞罰就請命題以趙栗夫為之

栗夫曰今對夜雨只此可詠詩用五言以落字  
為韻只詠雨夜事不許汗漫無干於是古直老  
人先唱一句曰高筵啟秋雨次徐栗夫曰頓爾  
淨餘燭得非洗我塵時栗夫初使回故云趙栗  
夫曰侶欲添君酌堦前渠溜走陳一夔曰燈下  
簷花落來遲路遂阻入門而雨王存敬曰坐久  
衣轉薄暫停得耳靜楊君謙曰忽至今心悒蕭  
蕭佐歸懷侯公繩曰潺潺亂歡譁翻盆入杜詠  
古直老人曰名亭見蘇作浸深墻可危徐栗夫  
曰泛滿庭堪濯徙穴蟻何智趙栗夫曰歸林禽  
亦樂未如啣枚陣陳一夔曰響失巡更柝諸公  
競解帶王存敬曰群僮皆赤腳積陰已連朝楊  
君謙曰浮潤先微昨良濱坐自固侯公繩曰好  
主投不錯決明色猶鮮古直老人曰梧桐意方  
索滴成老况愁徐栗夫曰激起鄉思惡吾方利  
河漲趙栗夫曰我亦思履着試將聽官舍陳一

變曰何如枕山閣朝街泥想尺王存敬曰漏地  
水驚勺忙身夜竊暇楊君謙曰病體涼得藥對  
酒今則同侯公繩曰逐事明又各搜吟思已倦  
古直老人結之曰願且更束約是為聯句古直  
老人為之終始凡三巡而畢爾我交評咸以為  
佳詠云

方七人聯句時一客秉筆構思則有六客無事一  
巡詩至須待二三刻楊謙君復立一令裂紙如  
掌濶者七紙請於趙栗夫曰聯句未至時請各  
自述一首述不當者君詩監主之時徐栗夫先  
成曰黃金臺下雨聲稠白玉橋邊水亂流戀闕  
思親情更切不堪今夜故人留陳一夔次成曰  
自笑馮郎老更迂故山田舍半荒蕪縱然麟閣  
在平地未有丹青畫老夫王存敬次成曰七賢  
言志一燈前次到迂夫獨篋然食祿十年官再  
徙不曾留得買書錢楊君謙次成曰長揖諸公



堯山堂外紀卷八十一  
從此辭病人筋力自家知如今只把醫方看做  
得功名也是癡古直老人次成曰秋雨曉簷聲  
滴滴夜堂燒燭影輝輝自怜王粲身飄泊白首  
人間尚未歸侯公繩次成曰馬蹄日日走紅塵  
自怪微官繫此身滄海烟波無限好未歸真足  
不如人趙栗夫次成曰苦憶東南山水隈已無  
情緒走塵埃何人先自清游去我有青鞋亦共  
來時雨益甚不止而聯句猶未成諸君各作此  
自述詩與聯句無妨一時樂甚

陳一夔亭華人與蘇去二百里於趙栗夫固鄉人  
也兩人交甚厚若兄弟然無一會不俱者一夔  
好作詩醞藉典則時有真詣語如詠秋懷云人  
老漸驚生白髮家貧未辦買青山楊君謙以為  
自然妙句一夔崛強每遇事不可意必云吾只  
不作官乃已耳其心能輕功名如此故七人聯  
句之夕一夔作詩田園意屢見時各有互相贈

彭山堂外集卷之十八  
答詩一變贈栗夫云巢中街西新卜居。豈棚瓜  
蔓共蕭疎。胸中富有書千卷。誰笑家無擔石儲。  
栗夫得詩仰面撫掌大笑。連稱妙甚。眾客傳觀。  
皆賞以為雅製。栗夫答云風流故與時情別。樽  
散偏於酒趣深。未老便為投綬計。知公天性在  
山林。君謙笑云一變未去。若據君言。則是一變  
即今就去也。栗夫戲曰。吾欲促其去耳。筵中為  
之一噓。

彭福

字綏之樂平人脫號懶農

彭綏之守秦州以直道忤部使者歸時寓鄆陽里  
中有新登進士第者綏之具酌邀飲值微雨累  
速不至綏之遺以詩云倘來名利若游塵何事  
癡兒太認真。咫尺泥塗行不得。山陰雪夜是何  
人。

彭懶農落職家居縣當大造其子囑司書者飛稅  
他戶懶農知之招司書飲戲贈之詩曰洛陽城

中桃李花飛來飛去落誰家。司書答曰：舊時王謝堂前燕飛入，尋常百姓家。懶農曰：既不飛上天，飛入地，不過飛入百姓家耳。安忍為此？乃為詩謝之曰：洪水推沙塞兩涯，推來推去只交加。誰知二世宮中鹿，走過劉家又李家。飛稅竟上弘治間樂平有趙尹考滿還任邑中士夫皆趨逐之。彭懶農獨投以詩云：洎陽纔駐使君標，本欲趨迎懶折腰。莫恠野人疎禮節，好從陽畫說陽

橋人皆莫喻其意。一日編修程念齋見之，笑曰：

綏之譏我邑中人深矣。蓋用宓子賤事也。子賤為單

父宰過於楊畫畫曰：吾少也賤，不知治民之術。有釣道二馬，請以送子夫。披綸錯餌，迎而吸之者，陽橋也。其魚薄而不美，若存若止，若不食者，魴也。其為魚也博而厚，味子賤曰：善。未至單父，冠蓋迎之，交接於道。子賤曰：車驅之，車驅之，未陽畫所謂陽橋折至矣。於是至單父，請其耆老尊賢者而與之共治。

儲 儲 字靜夫號紫墟先世 崑陵人元末徙秦州

儲 儲 初游州庠少循矩度學官示以句曰：賭錢喫

酒養漣娘三者備矣。儲應穀曰：齊家治國，采天  
下，一以貫之。已而舉應天癸卯鄉試第一甲辰  
會試第一比廷對，擢以三元。自期內閣，聞其自  
負，乃抑置二甲第一。自後勵行檢務文學，遂得  
全終身名。

李旻

字子陽，號東崖。錢唐人，與王華同庚而  
長三十五日。庶子考官取華為解首，監  
臨謝御史嫌華白衣，乃更李李王崇營。膳  
所正班班主文者，夢中得一舉中雙元之  
句，以為必無此事。後相繼首擢。

李子陽少有文名。成化庚子秋試八月二日，與同  
輩入學。晨參，忽五色一鳥飛入明倫堂，盤旋不  
去。諸生喧縱聚觀，竟棲止於梁間。二日，眾以此  
殆文明之兆。子陽為詩慶之曰：文采翩翩世所  
稀，講堂飛止正相宜。定應覽德來千仞，不但希  
恩借一枝。羨爾能知鴻鵠志，催人同上鳳凰池。  
解元魁選皆常事，更向天衢作羽儀。是歲子陽  
果以易經發解，甲辰廷試第一。

成化癸卯冬李子陽將赴春闈友人鎖懋堅者送  
之賦正宮謁金門詞云人艤畫船馬鞍上錦鞵  
催赴瓊林宴塞鴻聲裏暮秋天綠酒金盃勸留  
意方深離情漸遠到京廷中選今秋是解元來  
春是狀元拜舞在金鑾殿已而子陽果魁天下

懋堅西域人扈宋南渡遂為杭人代有詩名懋  
堅尤善吟寫成化間遊苕城朱文理座間索賦  
其家假山懋堅賦沉醉東風一闕云風過處香  
生院宇雨收時翠溼琴書移來小朵峰幻出天  
然趣倚闌干盡日披圖謾說蓬萊想  
是虛只此是神仙洞府為一時所稱

有人命題云新竹似村姑遇節略施薄粉李

即對曰落梅如老妓下稍猶帶餘香

邵寶 字國賢號二泉無錫人與儲唯領袖文  
先膏如奉人譽於元文正義田於所居

畫小井田扁  
曰橫渠畫意

邵寶為大司徒疏乞終養不允其詩云乞歸未許  
柰親何帝里風光夢裡過三月春寒青草短五  
湖天遠白雲多客囊衣在縫猶密驛路書來寫  
欲磨聖主恩深臣分淺百年心事兩蹉跎讀之

堯山堂外紀卷八十九  
令人感發最為海內傳誦

程楷 字廷一萍號念齋樂平人

程念齋初發棹北上赴會試是夕夢人有携扇面  
畫梅枝一念齋題云誰把枯根紙上栽瓊花錯  
落帶晴開天公預報春消息占斷江南第一魁  
覺而喜明年丁未果中禮部第一官編修無嗣  
而卒人謂此根之語意為先識云

堯山堂外紀卷八十八終

堯山堂外紀卷八十九

晉陵蔣仲舒編

國朝

敬皇帝

升遐之日大風拔未市中繖盡騰空中衆見有黃袍人乘龍而升者

孝廟御製靜中吟曰習靜調元養此身此身無恙  
卽天真周家八百延光祚社稷安危在得人是  
時召學士張元禎進講太極圖契於皇心見於  
皇言深符主靜立極純心用賢之說

孝廟體稍不佳即誦詩云自身有病自心知身病  
還將心自醫心若病時身亦病心身原是病生  
時

弘治三年會元錢福狀元及第 上為句曰春闈  
得士狀元元是會元詞臣應制曰曉殿遷官少  
保保為太保十月頒曆 上為句曰鳳曆初頒  
春意遠孚於四海詞臣應制曰麟  
允契於百王皆以稱旨聞

孝宗端午自書一對云綵線結成長壽勝丹砂書  
就辟邪符重陽出一對云今朝重九九重又過  
一重陽命大監蕭敬等對之皆不能應後亦未  
聞有能對者

孝廟優禮大臣無大故未嘗斥辱如尚書劉大夏  
都御史戴珊輩往往召至幄中從容講論天顏  
和悅真如家人父子內閣諸臣皆稱為先生李  
西涯有詩云近臣嘗造膝閣老不呼名蓋實錄

也

孝廟徧祀宗藩秦王送朝使詩曰九重聖主篤同宗遣使明裡禮秩崇卿相敬恭承德意廟靈彷彿著儀容客山夜靜風雲會大地春回雨露濃歸親重煩陳一語親藩存沒感恩同

癸亥正月郊上以微恙不果行有旨俟平復親舉至二月中旬始克行蓋上謂天子祭天地不可假諸臣下必俟疾愈方舉故鑾輿出郊遠近

快睹皆呼萬歲李閣老東陽有詩云聖躬已豫思蠲潔願達平安上紫宸紀其實也

鄒智

字汝愚號立齋四川合州人居龍泉庵貧無繼晷之給則掃樹葉蓄之焚以照

讀書達旦如是者三年遂成通儒

鄒立齋年十六發解蜀省迎宴日閭巷觀者藉藉嘆羨公馬上占絕句云龍泉山下一書生偶占三巴第一名世上許多難了事市兒何用喜相驚北上春官時鄉里一尊官見而欣羨之謂曰



某省一解元與子相若可一訪否尊官蓋俗輩  
第羨其均以妙齡掇巍科云爾公初以其為同  
志也亟訪之才晤坐以其人忽問曰子省榜首  
坊金視衆舉子為增幾何公大恚即拂衣起不  
答而出

孝廟登極御史湯鷟等交章薦起三原王恕為吏  
部尚書公素禮重風義之士李文祥及鄒智十  
餘人與鷟往來高自標榜謂鷟為先鋒文祥為

大將既而鷟謫戍甘肅辭連及智併下之獄  
在獄中寫懷詩有曰人到白頭終是盡事垂青  
史定誰真夢中不識身猶繫又逐東風入紫宸  
初劉吉憾鄒智嘗劾已諷錦衣衛逼供智與湯鷟  
等往來欲處以死刑部侍郎彭韶辭疾不為判  
案始獲免乃謫雷州石城千戶所吏目辭朝詩  
曰盡披肝膽知何日望見衣裳只此時但願太  
平無一事孤臣萬死更何悲及赴謫所道經廣

州有司留館坡山事民幸先謁焉其同年蒼梧  
吳獻臣廷舉尹順德令邑民李煥於古樓村建  
亭居之扁曰謫仙其父來視責以不能祿養箠  
之泣受不辭弘治辛亥十月卒獻臣往治其喪  
適方伯東山劉公大夏至邑不暇出迎廉知其  
故反加禮待共資郵還其喪獻臣自是知名白  
沙陳公甫追次智詩曰遷客一亭遺海濱當時  
誰號謫仙人花汀柳市無疆界盡是乾坤一  
界

春獻臣和曰浮雲浩浩南海濱落花獨照窮愁  
人狼藉幾株桃李盡謫仙亭上可憐春趙進士  
璜曰拄頰孤亭野水濱悶壺風月謫仙人而今  
只有殘鷓在啼老東溟二月春蔣知縣昇曰謫  
仙亭子海之濱仙去亭空月傍人二十四番花  
落盡一杯誰共送殘春

李文祥 麻城人鄒智  
同年進士

初萬安子翼第進士官至侍郎翼子弘璧復倖雋

李文祥為其同榜時負才名將奉大對安欲以  
弘璧託之因許及第文祥以正對安乃使弘璧  
延於別館致款屬題畫鳩文祥奮筆作詩其末  
句云春來風雨尋常事莫把天恩作已恩安銜  
之弘治初有媒孽文祥妄議朝政者謫隆興衛  
經歷西涯贈詩一聯云戒酒不從花底醉愛舟  
多在水中居李後被酒過河冰陷溺死人以為  
識

楊茂仁 字志道文懿公守陳  
子也鄒智同榜進士

吳江為刑部主事差還復命鴻臚寺官語之曰穀  
音要洪大正選通政時也起身不要背上至日  
早吳果努力高穀亦無音節又橫走下御街西  
孝廟為之解顏時同僚楊郎中茂仁作一對  
句云高叫一聲驚動兩班文武橫行幾步笑回  
萬乘君王一時盛傳資謔云

胡燿 字仲光蕪湖人  
毛澄榛進士

亮山堂外紀卷八十一  
胡仲光初改庶吉士內閣試上苑聞鳩詩曰春日  
晴和欲醉人耳邊忽聽一穀新似將明主三推  
意喚起良農四海春花鳥有情憐好景雨暘無  
補愧微臣聽餘忽起江南思百畝沙田野水濱  
內閣以暘雨句為譏已遂出為戶部主事

盧瀚

揚州人初灌  
同榜進士

盧瀚妻李氏名妙惠有貞操弘治初盧會試不第  
留京講學有同姓名者上誤傳至家會歲饑父

母憐李寡強以聘江西新淦巨商謝能之子啟  
李自經者再不得已歸於謝謝繼母亦揚州人  
李懇乞為婢以全節操啓不能奪李侍母不離  
啟先載並赴江西母與李繼歸舟泊金山母與  
李登寺酬愿李題詩於壁云一自當年拆鳳凰  
至今消息兩茫茫蓋棺不作橫金婦八地還尋  
折桂郎彭澤曉烟歸宿夢瀟湘夜雨斷愁腸新  
詩寫向金山寺高掛雲帆過豫章署其後曰揚

州盧某妻李氏題既而盧舉進士以修實錄差  
往江西過揚州知李已嫁及登金山寺見所題  
詩而泣及至江西訪鹽船多艤河下教慧隸誦  
詩往來鹽舡間二日李聞知喚問詩從何處得  
隸告以故李驚喜曰吾夫尚存耶密約暮夜以  
舟來迓益恐明言之則殼揚不雅也是夜果附  
舟昇至盧寓館為夫婦如初蓋李歸謝逾二年  
貞操益勵謝母亦為獲持以遂其志及是歸盧  
母亦嘆異

李瓚

濮州人號杏岡  
朱希周榜進士

李杏岡嘗謫判饒州時長興箬溪顧公應祥為節  
推同寓景德鎮行館壁有舊題杏岡和云世態  
等川流浮生到處留榮枯一場夢今古兩眉愁  
誓志堅如栢持心赤似榴上方如可借請斬佞  
臣頭時有暴縱故末句云既乃屬箬溪和云逝  
者無端晝夜流少年一去仗誰留酒星照我何

嘗醉世事憑他不用愁。槐影怕看當戶月，賞心  
惟愛隔牆榴。寒蛩不啻與亡恨，底事啾啾在砌  
頭。杏岡大稱賞。

趙鶴 字叔鳴 揚州人 李瓚同榜 詩耻凡語於  
古 愛謝靈運於齊 虞孟郊於元 愛劉巨

趙叔鳴督學山東，誓清膠庠，所至考校生員多所  
罷黜，衆議紛然。縉紳亦多厭之，竟以此罷官。鶴  
去貴溪，江潮代之潮，亦風裁凜然。生員之傷弓  
者，猶畏之。潮出巡至齊河，臨其分司壁間有題

對句云：趙鶴方翦爪，翼江潮又起風波。潮見之  
自科舉後，不復再歲考。

陳琳 莆田人 亦  
李瓚同榜

陳琳典南畿學政，甚得士子心。後以諫去國，諸生  
中獨朱良育送詩最為傳誦。其詩云：春風露是  
出郊原，落日停驂望國門。抗疏要談天下事，  
官應過海南村。湯湯江漢羈臣淚，納納乾坤聖  
主恩。歷試古來名節士，為言身屈道尤尊。識者

堯山堂外紀卷八十九  
以為不下李師中送唐御史也

張恩

南城人柏崖狀元之子倫文叙榜進士

弘治間西曹有一對云一雙狀元子兩個探花爺  
是雖貧說然亦奇事蓋主事有張恩王守仁其  
父尚書昇學士華皆狀元又有劉鳳儀李瓚其  
子內翰龍內翰廷相皆探花也

張兩山方伯

恩

歸自嶺南與樂平朱肅川大尹

文

選

聯舟倡和過青灣兩山吟云輕篙短棹下清

灣一抹颯光四座環水底有天天映水山前多  
樹樹連山忘機野鳥高應下卧煖沙鷗去復還  
却笑烟波江上客越南江北路間閑朱和云浩  
歌一曲下溪灣仰漢流光似轉環縱我酒豪拚  
歲月逼人詩債為江山懶飛鳧天邊去却駕  
仙槎海上還歸到故園深絕處草堂長借白雲  
關西山嘆服

張兩山嘗寓白沙驛開

武廟北巡作詩曰龍馭

奔胡戰膽寒。男兒此去負衣冠。平生犬馬心無補。幾夜風波夢未安。愁極黃沙千里外。望窮紅日五雲端。綱常一束無人任。却說中原宇宙寬。

魯鐸

字振之。湖廣景陵人。弘治壬戌春初。京師有善占天文者。禮部諸公詰之曰。魁

在何處。占者曰。文星在楚。魁常在湖廣。越一月。將揭曉。復命占之。占者訝曰。文學人

楚。淺人秦溪。魁當在陝西。已而鐸中會元。武功康海中狀元。

魯文恪公為秀才時。曾有詩云。古樹岡頭屋數椽。主人家世只殘編。后臨江漢東南會。運到雲龍

五百年。七澤鳶魚渾道體。九州兄弟或顛連。西

周老鳳雛將。近會見梧桐。居影圓。其志趣如此。

魯文恪公為舉人時。屬遠行。遇雪雨泥濘。夜止旅

舍。宿憐馬卒寒。苦即令卧之。衾下。因賦詩云。半

破青衫弱稚兒。馬前怎得浪驅馳。凡由父母皆

言子。小異問闔。我却誰事在世情。皆可笑。息從

吾。幼未難推泥途。還藉來朝力。伸縮相加莫漫

疑。



魯文恪公同榜復有一魯鐸永平人又有兩朱袞  
一美貌一不揚時有對曰魯鐸分南北朱袞別  
妍媸

董玘 字文王號中  
峯初名元

弘治乙卯張御史泰按雲南會鎮守太監劉昶總  
兵黔國公沐琮巡撫都御史張浩保舉神童董  
元者紹興人知雲南府復次子也八歲能詩詠  
胡桃曰形狀如雞子剛柔實未分擘開混沌殼

渾是一團仁梅月曰夢覺羅浮夜已闌君矣雲  
靜月團圓玉人不學桃花面淨洗紅粧鏡裏看  
九歲以來真楷草書歌賦序記及三場文字亦  
皆能之今十三矣請查照李東陽程敏政揚一  
清洪鐘事例考送翰林院讀書疏上上召試不  
如所言命還藉乃克會稽縣學生更名玘乙丑  
會元登第

顧鼎臣 字九和初名全號未齋崑山人父尚  
年五十餘始生公既壯每夜焚香表

祈父壽一夕夢黃鶴後天飛來近視之即  
而焚表也後有碑此字數行末云自此以  
後開田單火牛通行  
無滯蓋乙丑之兆云

崑山之俗以八月十八日為潮生日合邑往東門  
觀潮弘治甲子邑臣觀潮詩云海若鞭潮出海  
門靈奔雪捲帶靈氛六鰲駕撼三山動萬馬  
傳百谷開應識更期人似玉往觀誰使女如雲  
傳巖舟楫真時用康濟功成日未曛明年大魁  
天下

魏校 號莊渠崑山人  
顧鼎臣榜進士

魏莊渠督學嶺南以正學迪十 嘉一二年校士以  
文暨後專崇行檢士未試之而高下進退已有  
定列臨試止書一破而已然親信一二生徒惟  
言是用有林生者竟以賄然公嘗會十郡之士  
講於臬司之愛蓮堂有書一韻絕句云自疑自  
失自驚心却咲斯人巧用心惟有愛蓮堂上月  
分明照破此人心

馮蘭

弘治間姚江馮蘭為董學憲副有同年嘉禾侍郎屠勳相遇錢塘屠談往與東郎中結奏事曰東已死於軍妻子流落予宮尚未艾乎繼而出棋肩扇面索題馮援筆曰白雲堆裏四公亭亭下只遺空石秤相逢莫自誇高手一過輸來一過贏屠遂默然

堯山堂外紀卷八十九終

堯山堂外紀卷九十

晉陵蔣仲舒編

國朝

馬文升

字負圖鈞州人弘治間自本兵晉冢宰嘗曰吾在兵部每夜必行天之内者

者一周在吏部每夜必行天之内者一周行邊者思武備行內者計人才

弘治丙辰春吏部缺尚書衆推兵部尚書馬文升左都御史屠瀟馬自以部次年勞當得之不意竟歸於屠馬意不平賦一近體有清朝有意推

公道白髮無心着錦鞭天上浮雲偏曉霽地中

陰氣已凝堅屠既得吏部當班于馬之上固辭

居下是雖謙讓亦其中有未安也滯郵入掌銓曹時平湖屠

公勲亦掌南銓二屠源流莫考朝紳以其一時

泣掌兩京冢部聯輝競貴遂為通譜二家子姓

馬文升久居兵部專以險刻為事朝廷有時賞賚

各邊多奏裁之京軍布糧亦從減削弘治庚申

夏彗星出虜犯大同柝長城入關兵出屢不利

京師為十七字謠曰天上有掃星地下有達兵

若走須殺馬文升馬由是因冢宰闕位營遷以

避禍云

潯州張尚書濂為翰林學士時與同寅限韻聯句

得單字公成句有衝雨邪飛燕子單時服其當

馬端肅以燕子單學士稱之

楊一清

字應寧雲南安寧州人僑居鎮江舉神童吳寬榜登第

楊一清為冢宰日有設為選官求改事為口實者

曰有選人既注官意弗慙思改將決於神籤其  
妻曰君儒人當聽命於儒之靈者選人於是求  
禱於仲尼既至廟乃先詣從配諸賢首至閔子  
曰其欲改官何從而可閔曰何必改問顏子顏  
曰也不改問宰予予曰於予改問其自則曰鑽  
燧改揚號遠菴其所注除遷擢皆由賄賂鑽刺  
而得故云

揚遠翁冬天氣盛而李西涯怯寒二公並坐涯翁

屢以足頓地作聲遠翁曰地凍馬蹄聲得得涯  
翁見其吐氣如蒸遠云天寒驢嘴氣騰騰相與  
一笑

宸濠謀逆 武宗親征既得凱旋駐蹕金陵復渡  
江幸楊一清第賜絕句十二首公又有應制律  
詩四首應制賀聖武詩絕句十二首編為二卷  
名車駕幸第錄公自叙謂虞廷賡歌之後古帝  
王有以詩章寵臣下者不過一篇數言而止未

有聯章累牘若是其盛者至於屈萬乘之尊在  
位者或有之然亦鮮矣若罷政歸休者為尤鮮  
守溪王公鏊有四絕句云相國移家江水湄金  
山望幸已多時太平金鏡無由進願得迴鑿一  
顧之趙普元為社稷臣君臣魚水更何人難虛  
靈夜相過意海錯尤堪佐酒巡北固山前駐翠  
華慙慙來訪相臣家太湖怪石慙多幸也得相  
隨載後車賡歌千載盛明良宸翰如金更焯煌

漫徂魚龍看未了梨園新部出西廂

楊遠翁壽日貴溪陶公為揚州分教画葡萄一幅

題絕句以賀云萬斛驪珠帶雨鮮摘來浸酒薦

春筵枝頭剩有千千顆一顆期公壽一年楊大

喜之

今傳奇有還帶記嘉定沈練塘所作以壽  
遠翁者也故曲中有昔掌天曹今為地主

等語遠翁喜  
因此八字

楊遠菴致政後賦鴈兒落詞曰俺也曾握虎符鎮  
塞垣俺也曾假黃鉞誅叛亂俺也曾掌天曹統

百官掩也。曾草黃麻侍主言。念鸞鳳勝鷹鷂。怕  
蒿艾混芝蘭。小人哉。多行險。君子兮。不素餐。清  
閑。不知機心。怎閒平也。么安。不知足心。怎安。

劉績咏楊花詩。譏楊遠菴云。點鬢紫眉。而復東悠  
揚。無心任春風。謝家擬雪。真兒女。到處生虫。不  
殺虫。

陸滄浪好作俚語。正德間從成京師。嘗有楊果不  
果。一清不清。朱安不安。朱寧不寧等語。寧知而

執之問曰。汝作詩時。曾吃醉否。陸正色曰。我實  
不醉。寧竟釋其罪。僅調邊方。而去時有人投陸  
詩云。落魄當年老陸郎。知囊今已作詩囊。醉中  
又復重來醉。狂裡如何更著狂。踰海踰河何日  
了。奔南奔北自家忙。不如檢點親經史。一榻清  
風舊草堂。或云。即邃菴所作。以復其諷已者。

林俊 字待用。號見素。莆田人。曾彥榜進士。

成化間。林見素以部署言事。謫姚安。士林偉之。渡

楊子江詩云親見朝廷政令新小臣何事浪憂  
民一言雖忤九重意萬死猶存七尺身沙畔白  
鷗閑待我鏡中華髮苦催人十年楊子江三渡  
此日何勞更問津初貶時有國子生用李師中  
贈唐子方韻送之八千里外未為遠三十名成  
始是難自信孤忠能報國誰憐赤手可移山沙  
門有地黃金盡溝壑無由白骨寒愧我布衣空  
引領九重何日詔君還

正德中林見素以右都御史受命平蜀寇未幾郎  
乞休致時闈宦與侯倖用事故也李空同以詩  
寄公云錦水啼鶯起巴山春望微干戈滿眼急  
江漢一舟歸花送琴書色霜留斧鉞威所傷豺  
虎亂公也惜鷗機諸葛能安蜀穰苴本善兵向  
來優起詔番作急流行老益丹心壯憂惟白髮  
驚祗憐川父老涕泣挽歸旌

林廷玉

字粹夫號南澗侯官人父芝司訓信  
宣母沒留壅馬及父遷韓府紀善古



籍平涼遂領陝西解首連第李旻榜進士以聖魯都憲使廣因趨信宜訪得母墓慟哭祭之欲負骨以歸陳白沙止之有不與皇華共載之句乃圖山形而去

林廷玉醉中戲作清江引白世上人心真箇反牽  
鬼街頭賣哄了白尚書聽過陳員外漢鍾離看  
見通不採沒嘴葫蘆就地滾好反休相問花  
粧扮戲棚紙做盛錢回陳搏華山關打盹春  
花正紅春酒美多少蟠桃會休做看財奴枉着  
金銀累處到黃泉纔是悔勝水名山和我好

每日家相頑笑人情下苑花世事襄陽砲雲  
間虛飄飄都過了

林廷玉咏愁塞鴻秋詞云妬離情輾轉相迤逗惹  
羈懷來往閑交構對菱花怕哭容顏瘦數歸鴻  
難展眉峰離秋風葉落時夜雨燈昏候那其間  
淚濕香羅袖共武閻張彥倫咏愁詩來何容易  
去何遲半在胃中半在眉門掩落  
花春去後窓含殘月酒醒時濃如野外連天草  
亂似空中惹地絲除却五侯歌舞地人間無處  
不相隨亦  
警策可誦

堯山堂文集卷九十一  
林廷玉咏酒塞鴻秋詞云米明王原掌竒門印麴  
將軍會擢迷魂陣水中郎穩坐雲安鎮柴令公  
傳示蘭陵信奈遵壺矢威李白蠻書令那愁城  
攻破難逃命

林廷玉又有高陽臺咏春睡云旅思閨情酒愁花  
病庭前樹影平分蝶混蜂迷莫因迤迤殘魂黃  
鸝窓外聲聲好喚覺來却又昏昏困夢騰滿地  
飛花倦數還嗔東風簾幙無塵見悠悠楚水

漠漠巫雲柳絮多情故來尋襲腥裙彈棋駁  
知何處夢中特地驚聞起凭闌青鸞搖拽金鴨  
氤氳

林廷玉挑燈杖詩云檠椀常存竹木莖餘功時或  
賴扶傾却憐形體纖還短能使光芒暗復明天  
上長庚原有焰人間太乙又騰精心燈聞說無  
明滅何用區區得擅名

喬宇

字希大號白麓林廷玉同年進士山西  
平定州人與遼州王雲鳳太原王瓊稱

晉中三傑亦  
云河東三鳳

喬白巖賀人生子詩問時曉散龍墀後紀月春分  
昴宿中蓋子以二月望日寅時生也士林服其  
精細爭傳誦之

正德庚辰有方士者挾巫史之術遨遊江湖人扣  
以未然事輒召古名僊運乩賦詩以答隨所限  
韻敏若夙構是年秋至吳吳中諸生梁廷用往  
問荅曰吾回道人也君乞喬白巖詩吾當邀李

謫仙同賦用十六韻梁蓋白巖門下士也喬時  
為留都大司馬其用十六韻詩曰六丁持斧施  
神工鑿開西南萬仞之崆峒芙蓉一朵插天表  
勢壓天下群山雄冰壺倒月色澄徹瑤臺倚斗  
光玲瓏百丈虹霓望吞吐八埏霖雨瞻空濛虛  
室不受一塵染靈光直與銀河通乳泉掛壁噴  
晴雪玉梅懸谷搖春風上有神仙玉虛子凌風  
出沒游太空登虬伐蛟下入海底水晶窟朝真

謁帝獨步天上瑤瑤宮。頭角嗟峨自卓立。胃襟  
礪石誰磨礪。憶昔江樓吹鐵笛。明月一醉三人  
同。邇來一別世間甲子不知數。但見幾度玉洞  
桃。老紅金龜老黃鶴。翁各分一諱。貽此公天然  
意趣自相合。芳稱長在塵寰中。好將大手整頓  
乾坤了。歸來一笑拂雲看。劍重會滄溟。東白巖  
公得詩大喜。按此方士王姓無錫人。呼百韻可  
頃刻就。益借僊鬼售其術。耳梁後名宏字裕夫。

一入實相與謬為之。以欺白巖公者。

胡世寧

字永清。仁和人。黑面。鬢  
顏。電眸。獅鼻。見者。咤之。

胡世寧弘治壬子舉鄉試第二。巡按御史檄計偕  
銀百兩。世寧曰。彭侍郎以災傷。故減半。吾不敢  
盈取。竟却其半。舉進士。授德安府推官。廉明有  
聞。一日患劇疾。召醫視之。曰。還有神光。世寧力  
疾賦詩。有萬死神光還自在。再生事業敢能為  
之句。

胡端敏公推重林見素及公謝病歸見素亦致仕  
以詩招公公和之有云朝野正愁元老去雲莊  
新報主人歸又云事業廣平真宰相風流康節  
舊人豪。

王守仁

字伯安餘姚人初名雲以太夫人夢  
五色雲入懷而生也有一老僧以名  
改今名

王陽明年十一時過金山寺龍山公與客酒酣賦  
詩未成陽明從旁曰金山一點大如拳打破維

揚水底天醉倚妙

樓上月玉簫吹徹洞龍眠

客大奇之

王文成之既擒宸濠也忽傳王師已及徐淮遂乘  
夜遶發至錢唐凜凜不勝憂慄作詩云靈鷲高  
林暑氣清竺天石上雨痕晴客來湖上逢雲起  
僧住峰頭話月明世路又知難直道此身那得  
尚虛名移家早定孤山許種果誅茅却易成頃  
之王師遣人追宸復還江西遂謝病居淨慈

寺作詩云老屋深松覆古藤  
 樓猶記昔年曾  
 棋聲竹裡消閒晝  
 眾窓前對病僧  
 烟艇避人常曉出  
 高峰望遠亦時登  
 而今更自多牽俗  
 欲似當年又不能  
 又云常若人間不盡愁  
 每拚除是八山休  
 若為此夜山中宿  
 猶自中宵煎百憂  
 百戰西江方底定  
 一飛南甸尚淹留  
 何人真有回天力  
 諸老能無照日謀

王陽明嘗遊僧寺見一室封鎖甚密欲開視之寺

僧不可云中有八定僧閉門五十年矣陽明因  
 開視之見龕中坐一僧儼然如生貌酷肖已先  
 生曰此豈吾之前身乎既而見壁間一詩云五  
 十年前王守仁開門原是開門人精靈剝後還  
 歸復始信禪門不壞身先生悵然久之建塔以  
 瘞而去

韓邦奇 字汝節朝邑人同邑劉太守偉死已廿年邦奇復見之與之飲食亦不敢問其何來此事甚異

宸濠令一士詐為羽客往說韓副使邦奇假以所  
繪松請題韓為詩曰勁節貞心本自奇四時常  
見綠猗猗笑他江上桃。卷樹為放春光三兩枝。  
士喻意不敢言而退。

正德末韓汝節為浙江按察僉事廉勁自持時鎮  
守太監王堂怙勢害人如茶筍鱗魚種種勒辦  
民不聊生汝節數裁抑堂遂以沮遏進貢証之  
詔錦衣械治百姓感泣氣動城市汝節為詩云

非才尸位聖恩深 庶何勞淚滿襟明主  
神禹度斯民直道 天心還看匣有平。津。劍。與。  
喜囊無暮夜金。惆。 此時不忍去。且維輕舸越

江潯

韓苑洛作乃弟邦靖行狀末云恨無才如司馬子  
長關漢卿者以傳其行此人粗野乃爾邦靖字  
汝慶邦奇同科進士為山西參政養病回書一  
山坡羊於驛壁曰肯排山南山北偃肯倒海東

海西翻我如今心兒重不緊。意兒裏有些懶。如今一箇箇平步裏上青天。一箇箇日日近龍顏。青山綠水且讓我閒遊玩。明月清風你要忙時。我要閒嚴潭。你會釣魚誰不會把竿。陳搏你會睡時誰不會眠。

黃鞏 字伯固莆田人嘗題其書室曰茅屋石田為生太拙鳩夷馬車自許何愚

正德己卯朝廷有旨南巡黃鞏時為武選郎以其事出邊將江彬之誘因疏六事彬大怒欲必寘

之死乃下詔獄廷跪五日杖百餘除名鞏體極修羸幸得甦以詩遺孟曰不用女謀方至此須知我道固當然可謂萬死而不悔也

嘉靖丁亥馬伯循 理陞南京通政赴任過河池見

驛丞貌類黃鞏者問之乃其弟肇叔開也公即泫然淚下既乃作詩贈之有六年復見先生面為過河池見叔開之句蓋公舉禮闈寔鞏所取生與同官既師事之既後猶依依若此



